



堯山堂外紀卷二十八

晉陵蔣仲舒編

唐

劉長卿

字文房終隨州刺史每題詩不言其姓但長卿而已皇甫湜云詩未有劉長卿一句已呼宋玉為老兵矣語未有劉賓王一字已罵宋玉為罪人矣其名重如此

劉長卿與皇甫曾友善曾過長卿碧澗別業詩云

謝客開山後郊非出去通江湖十年別衰老一

堯山堂外紀卷二十八

乙

樽同反照寒川滿平田暮雪空滄洲自有趣不

復泣途窮長卿和云荒村帶晚照落葉亂紛紛

古路無行客寒村獨見君野橋經雨斷澗水向

田分不為憐同病何人到白雲

盧員外綸作擬僧之詩僧清江作七夕之詠劉隨

州有眼作無眼之句宋雍無眼作有眼之詩詩

流以為四背盧詩云願得遠公知姓字焚香洗

鉢過餘生清江詩曰唯愁更漏促離別在明朝



劉隨州曰細雨濕衣看不見閑花落地聽無聲
雍詩曰黃鳥不堪愁裏聽綠楊宜向雨中看

女冠李季蘭與諸賢會集烏程開元寺知劉長卿
有陰重疾戲之曰山氣日夕佳長卿對曰衆鳥
欣有托舉坐大笑以為美談

李穆劉長卿之壻也詩寄劉云處處雲山無盡時
桐廬南望轉參差舟人莫道新安近欲上潺湲

行自遲時劉在新安郡荅詩云孤舟相訪至天

堯山堂外紀卷二十八

二

涯萬轉雲山路更賒欲掃柴門迎客遠青苔黃
葉滿貧家

韋應物

逍遙公之後少以三衛郎事玄宗豪
縱不羈後拆節讀書終蘇州刺史

建中初韋應物刺滁州題西澗詩云獨憐幽草澗

邊生上有黃鸝深樹鳴春潮帶雨晚來急野渡

無人舟自橫

宋王榮老嘗渡江七日風作不得
濟父老曰公舟中必有奇異此江

神極靈當獻之得濟榮老以玉塵尾端石硯等
物獻之皆不驗夜卧念有黃魯直草書扇頭題
韋此詩公取獻之香火未收天水相
照如兩鐙對展南風徐來一飽而濟

貞元初韋應物自蘭臺郎出為和州牧頗不得志
夜泊靈璧驛舟中忽聞笛聲嗟嘆良久韋公洞
曉音律謂酷似天寶中梨園法曲李暮所吹者
遂召其人問之乃李暮外孫許雲封也雲封曰
某任城人天寶初東封駕次至任城外祖聞某
初生相見甚喜乃抱詣李白學士乞撰令名李
公方坐旗亭命酒握管醉書某胸前曰樹下彼
何人不語真吾好語若及日中烟霏謝成寶外

祖不解所書之語李公曰樹下人是木子木子
李字也不語是莫言莫言暮字也好是女子女
子外孫也語及日中是言午言午是許也烟霏
謝成寶是雲出封中乃是雲封也卽李暮外生
許雲封也後遂名之某纔十齡頗知音律外祖
教以橫笛每一曲成必撫皆賞歎值梨園法部
置小部三十餘人皆十五以下貴妃誕辰上命
小部樂長奏新曲未有名會南海進荔枝因以

曲名荔枝香。左右歡呼，聲動山谷。其年安祿山
叛，自後俱逢離亂，漂流南海，近四十載矣。韋公
曰：我乳母之子，嘗於天寶中受笛，舊吹之，笛卽
李君賜也。遂囊出舊笛，雲封，撫而觀之，曰：信是
佳笛，但非外祖所吹者。乃謂常公曰：竹生雲夢
之南，鑿在柯亭之下，以今年七月望前生。明年
七月前伐，過期不伐，則其音窒；末期而伐，則其
音浮。浮者外澤，乾乾者受氣不全，氣不全則其
傷。雲封乃捧笛吹六州遍，一疊未盡，驕然中裂。
韋公驚嘆久之，遂禮雲封於曲部。

堯山堂外紀卷二一八

四

竹天凡發揚一聲，出八九息。古之至音，一疊十
二節，一節十二敲，其已天之竹，遇至音必破，所
以知非外祖所吹者。韋公曰：欲旌汝鑿笛破，無
絕云。高髻雲鬟宮樣粧，春風一曲杜韋娘。司空
見慣渾閑事，斷盡蘇州刺史腸。及退宿驛亭，醒

見二妓在側。怪問之。乃對曰。郎中席上賦詩。司空因令侍寢。復問能記詩否。一妓誦之。韋大笑。

或以為劉禹錫事

錢起

字仲文。與郎士元俱。以詩名。士林語曰。前有沈宋。後有錢郎。凡公卿出牧奉使。

二人無詩。祖行。衆以為耻。

錢起夜宿驛舍。聞窗外有誦聲。云。曲終人不見。江

上數峯青。起怪之。至天寶十載。就舉。座主李暉

試湘靈鼓瑟詩。遂賦曰。善鼓雲和瑟。常聞帝子

堯山堂外紀卷二十八

五

靈。馮夷徒自舞。楚客不堪聽。雅調懷金石。清音

發杳冥。蒼梧來暮怨。白芷動芳馨。流水傳湘曲。

悲風過洞庭。至落句。意又不屬。忽憶所聞驛舍

二句以結之。試官李暉曰。神句也。遂中首選。

李端

趙州人。李嘉祐之姪。終杭州司馬。

李端與韓翎。錢起。盧綸等。文詠唱和。馳名都下。號

大曆十才子。郭尚父少子。曠尚代宗。昇平公主。

賢明有才思。尤喜詩人。而端等十人。多在暖門。

下每宴集賦詩。公主憚而觀之。端中宴詩成曰：「青春都尉最風流，二十功成便拜侯。金距鬪雞過上苑，玉鞭騎馬出長秋。薰香荀令偏憐少，傅粉何郎不解愁。日暮吹簫楊柳陌，路人遙指鳳凰樓。」主大喜，命以百縑賞之。錢起曰：「李校書誠有才，此篇乃其宿構，願賦一韻正之。」請以起姓為韻，端卽裂綫而獻。曰：「方塘似鏡草芊芊，初月如鉤未上弦。新開金埽教調馬，舊賜銅山許鑄堯。」

堯山堂外紀卷二十八

六

錢楊柳入樓吹玉笛，芙蓉出水妬花鈿。今朝都尉如相許，願脫長裙學少年。錢起等咸稱其妙絕，暖出金馬名帛為贈。

韓翎

字君平

韓翎少負才名，隣居有李姓者，每將妓柳氏至其居，必邀韓同飲。旣久，愈狎柳，每以隙壁窺韓所往來。語李曰：「韓秀才甚貧，然所與遊皆名人，是必不又貧賤。」李深頷之。一日具饌邀韓，酒酣謂

韓曰秀才當今名士。柳氏當今名色。以名色配名士。不亦可乎。遂命柳從坐。接韓。未幾成名。從辟淄青。置之都下。連三歲不果。迓寄詩曰。章臺柳。章臺柳。往日依依今在否。縱使長條似舊垂。也應攀折他人手。柳答曰。楊柳枝。芳菲節。可恨年年贈離別。一葉隨風忽報秋。縱使歸來不堪折。後果為蕃將沙吒利所劫。翊會入中書。道逢之。謂永訣矣。是日臨淄大校置酒。疑翊不樂。具

堯山堂外紀卷二十八

七

告之。有虞候將許俊。以義烈自許。卽詐取得之。以授韓。時沙吒利寵殊等。翊懼禍。訴於侯希逸。希逸以事聞。諸朝詔柳氏歸翊。

韓君平後為夷門幕屬。時已遲暮。殊不得意。多辭疾在家。十日夜將半。客叩門急。韓出見之。賀曰。員外除駕部郎中。知制誥。韓愕然曰。誤矣。客就座曰。郎報制誥闕人。中書兩進名。御筆不點出。又請之曰。與韓翊時有同姓名者。為江淮刺史。

又具二人同進御批曰春城無處不飛花寒食
東風御柳斜日暮漢宮傳臘燭青烟散入五侯
家與此韓翎客曰此非員外詩耶韓曰是也是
不誤矣

德宗西幸有神智驄如意騮二馬謂之功臣一日
有進瑞鞭者上曰朕有二駿今得此可謂三絕
因吟韓翎觀調馬詩云鴛鴦赭目齒新齊曉日
花間放碧蹄玉勒乍迴初噴沫金鞭欲下不成
堯山堂外紀卷二十八

嘶

李益

字君虞世稱李十郎少有痴病而多猜忌防閑妻妾過為苛酷每夜散灰扃戶

時謂姪癖

李君虞以禮部尚書致士有宗人庶子同名俱出
於姑臧時人謂尚書為文章李益庶子為門戶
李益而尚書亦兼門地焉嘗姻族間有禮會尚
書歸笑謂家人曰大堪笑今日局席兩箇坐頭

總是李益

李君虞長於歌詩。每作一篇為教坊樂人以賂求取。唱為供奉歌詞。其征人歌。早行篇。好事者盡為圖障。其歌曰。回樂峯前沙似雪。受降城外月如霜。不知何處吹蘆管。一夜征人盡望鄉。

李君虞嘗為幽州劉濟營田副使。獻詩云。草綠古燕州。鶯聲引獨遊。鴈歸天北畔。春盡海西頭。向日花偏落。馳年水自流。感恩知有地。不上望京樓。時以為怨望。左遷。右庶子。年且老。門人趙宗堯。山堂外紀卷二十八。九。儒自宰相罷免。年七十餘。益曰。此吾為東府所選進士也。聞者憐之。

閻濟美

大曆中。閻濟美下第。將出關。獻座主張謂詩六韻。曰。蹇諤王臣直。文明雅量全。望爐金自躍。應物鏡何偏。南國幽沉盡。東堂禮樂宣。轉令游藝士。更惜至公年。芳樹歡新景。青雲泣暮天。唯愁鳳池拜。孤賤更誰憐。謂覽之。問失第之因。乃曰。所

投六韻必展後效明年濟美自江東繼薦就試
東都謂後主文雜文已過繼欲帖經濟美辭以
不能謂曰禮闈故事亦許作詩續帖遂命天津
橋望洛城殘雪題濟美曰新霽洛城端千家積
雪寒未收清禁色偏向上陽殘旣而日勢已晚
詩未就謂曰據見在將來一覽稱賞遂唱過盧
景莊謂曰前足下試蜡日祈天宗賦以魯丘對
衛賜則子貢也乃作駟字誤矣方悔之明日謂
堯山堂外紀卷二十八

十

曰天寒急景諸君文卷不成未可以呈宰相請
重送納旣而索舊卷則駟字上朱點在馬易卷
之意盖有在也

竇叔向

字遺直常袞為相用為左拾遺諸子
常牟群庠鞏皆有詩名號竇氏五龍

為聯珠集義取
兄弟若五星然

竇叔向謝寒食賜恩火云恩光及小臣華燭忽驚
春電影隨中使星輝拂路人幸因榆柳煖一照
草茅貧又謝端午日恩賜百索云仙官長命縷

端午降殊私。事盛蛟龍見。恩深犬馬知。餘生儻
可續。終冀荅明時。

竇常任武陵寒食日。次松滋渡先寄劉員外云杏
花榆莢曉風前。雲際離離上峽船。江轉數程淹
驛騎。楚曾三戶少人烟。看春又遇清明節。笑老
重經癸巳年。幸得佳山當郡舍。在朝常詠卜居
篇。

竇群初為處士隱。毘陵韋夏卿以丘園茂異薦之。
堯山堂外紀卷二十八

十七

不報至夏卿尹京復薦方拜拾遺御史群初入
諫司喜家室至賦詩曰一旦悲歡見孟光。十年
辛苦伴滄浪。不知筆硯綠封事。猶問傭書日幾
行。

馬燧之子暢以第中大杏餉竇文場文場以進德
宗德宗未嘗見怪之令中使封杏樹暢懼進宅
為奉誠園竇卒在其地聞笛賦詩云曾絕朱纓
吐錦茵欲披荒草訪遺塵。秋風忽灑西園淚滿

目山陽笛裏人

上陽宮在東都洛城外武后嘗居之竇庠為東都判官時賦詩云愁雲漠漠草離離太掖勾陳處處疑薄暮毀垣春雨裏殘花猶發萬年枝

竇鞏嘗從軍有別家詩云自笑儒生着戰袍書齋壁上掛弓刀如今便是征人婦好織迴文寄竇鞏

竇鞏悼妓東東云芳菲美艷不禁風未到春殘已堯山堂外紀卷二十八

十二

墜紅惟有側輪車上鐸耳邊長似叫東東

冷朝陽

錢起韓翃同時人有詩名

潞州節度薛嵩有青衣善彈阮咸琴手紋隱起如紅線因以名之一日辭去冷朝陽為詞曰採菱歌怨木蘭舟送客龜銷百尺樓還似洛妃乘霧去碧天無際水東流

戎昱

京兆尹李鑿欲以女妻之令改姓昱辭焉

戎昱守零陵妓籍中有善歌者襄帥于公頓遽索

之。是乃遣行。比至令歌。乃呈送妓詞也。其詞曰。
寶鈿香蛾。剔翠裙粧。成掩泣。欲行雲。殷勤好取。
襄王夢。莫向瑤臺夢使君。于公曰。大丈夫不能
立功業。為異代所稱。豈可奪人愛姬為己之娛。
遂贈以帛。送歸零陵。鄭太穆為金州刺史。日致
書于司空頓且曰。分千樹
一葉之影。即是濃陰。減四海數滴之泉。便為膏
澤。于公覽書曰。鄭使君所須各依來數。一半以
戎費之際。不全副其本望也。又有崔郊秀才者。
寓居漢上。蘊積文藝。而物產罄縣。無何與姑婢
通。其婢端麗。饒音伎。漢南之最姝也。姑貧鬻婢
于連帥。連帥愛之。以類無雙。給錢四十萬。寵盼

堯山堂外紀卷二十八

十三

彌深。郊思慕無已。卽強親府署。願一見焉。其婢
因寒食果出。值郊立於柳陰。馬上贈詩曰。公子
王孫逐後塵。綠珠垂柳滴羅巾。侯門一入深如
海。從此蕭郎是路人。或有嫉郊者。寫詩於座。于
公觀詩。令召崔生。及見郊握手曰。侯門一入深
如海。從此蕭郎是路人。便是公製作也。四百千
小哉。何惜一書。不早
相示。遂命婢同歸。

韓晉公鎮浙西。戎昱為郡刺史。郡有妓。美而善歌。

公召置籍中。昱作詩以遣之。曰。好去春風湖上

亭。柳條藤蔓繫人情。黃鶯久住渾相識。欲別頻

啼四五聲。妓旣往。首唱是詞。韓公曰。使君於汝

寄情乎對曰然贈百縑而遣之歸

憲宗朝北狄頻寇邊大臣奏議古者和親有五利而無千金之費帝曰比聞一士子能為詩而姓名稍僻是誰宰相對以包子虛冷朝陽皆非也帝遂吟曰山上青松陌上塵雲泥豈合得相親舉世盡嫌良馬瘦唯君不棄卧龍貧千金未必能移性一諾從來許殺身莫道書生無感激寸心還是報恩人侍臣對曰此戎昱詩也帝悅因堯山堂外紀卷二十八

十四

又誦其詠史一篇漢家青史內計拙是和親社稷歸明主安危託婦人豈能將玉貌便欲靜胡塵地下千年骨誰為輔佐臣誦畢笑曰魏絳之功何其懦也大臣遂息和戎之論

韋臯

有胡僧見之曰此子乃諸葛武侯後身今降生將為蜀門帥且造蜀人之福

氏異其言因以武侯字之

韋臯少遊江夏止姜使君館有小青衣曰玉簫纔

十許歲常令侍臯年稍長乃與韋狎臯後告別

與約後會。因留玉指環一枚。并詩寄情云。黃雀
卸來已數春。別時留解贈佳人。長江不見魚書
至。為遣相思夢入秦。逾八年不至。玉簫嘆曰。韋
家郎不來矣。持環絕食而殞。姜氏愍其節操。以
玉環着於中指。而同殯焉。後韋鎮蜀。到府三日。
詢姜玉簫何在。姜曰。僕射維舟之夕。與伊留約。
七載是期。逾時不至。乃絕食而殞。韋聞之。悽歎。
時祖山人有少翁之術。但令府公齋戒七日。清
堯山堂外紀卷二十八

十五

夜玉簫乃至。謝曰。承僕射寫經贈佛之力。旬日
便當託生。却後十二年。再為侍妾。以謝鴻恩。後
韋終德宗之代理蜀。不替。遷中書令。同平章事。
東川盧八座送一歌姬。未當破瓜之年。亦以玉
簫為號。觀之。乃真姜氏之玉簫也。中指有肉環。
隱出不異。留別之。玉環云。

韋臯鎮蜀。嘗訓鸚鵡念佛。鸚鵡斃。以桑門故事。茶
毘之。得舍利為塔。臯自為記。略曰。元精以五行

授萬類或炳耀離火或稟奇蒼精皆應人文以
若時政則有卓彼禽類習乎能言了空相于不
念留真骨于已斃者因歎息久之

陸暢

字達夫吳郡人韋臯雅
所厚禮韓愈有送暢序

陸暢初為江西王仲舒從事拂衣去後登蘭省遇
雲陽公主下降百僚舉暢為儉相詩皆頃刻而
成詠簾曰勞將素手捲蝦鬚瓊室流光更綴珠
玉漏報來過夜半。可堪潘岳立踟躕詠行帳曰
堯山堂外紀卷二十八

十六

碧玉為竿丁字成。鴛鴦繡帶短長馨。強遮天上
花顏色。不隔雲中笑語聲。

陸暢又承詔作催粧五言曰雲陽公主貴出嫁五
侯家。天母親調粉。日兄怜賜花。催鋪百子帳。待
障七香車。借問粧成未。東方欲曉霞。內人以其
吳音捷才以詩嘲之云十二層樓倚翠空。鳳鸞

相對立梧桐。雙成走報監門衛。莫使吳歛入漢

宮。或宋若蘭
曰姊妹作

陸酬曰粉面仙郎選尚朝。偶逢秦

女學吹簫須教翡翠聞王母不奈烏鳶噪鵲橋
詩成傳播內外六宮大哈別賜官錦榜伽餅唾
盂各一

天寶時李白為蜀道難以斥嚴武陸暢更為蜀道
易以美韋臯云蜀道易易於履平地臯大喜贈
羅八百疋臯薨朝廷欲繩其既往之事復閱先
進兵器上皆刻定秦二字不相与者欲捃成罪
名暢上疏理之曰臣在蜀日見造兵器定秦者
堯山堂外紀卷二十八

十七

匠名也由此得釋

陸暢初娶董溪女每旦婢進澡豆暢輒沃水服之
或曰君為貴門女婿幾多樂事暢曰貴門苦禮
法俾予食辣炒殆不可過

朱滔

朱滔括兵不擇士族悉令赴軍自閱於毬場有士
子容止可觀進趨純雅滔問曰所業者何曰學
為詩曰有妻否曰有即令作寄內詩援筆立成

曰握筆題詩易荷戈征戍難慣從鴛被暖怯向
鴈門寒瘦盡寬衣帶啼多清枕檀試留青黛著
回日畫眉看又令代妻作詩答曰蓬鬢荆釵世
所稀布裙猶是嫁時衣胡麻好種無人種合是
歸時底不歸滔遺以束帛放歸

李錡

杜秋娘金陵女也年十五為李錡妾嘗為錡唱詞
云勸君莫惜金縷衣勸君莫惜少年時花開堪
折直須折莫待無花空折枝後没入宮久之放

克山堂外紀卷二十八

十八

歸

堯山堂外紀卷二十九

晉陵蔣仲舒編

唐

韓愈

字退之嘗登華山巔窮極幽險心悸日眩不能下發狂號哭投書與家人別華

陰令百計取之方能下柳子厚得其所寄詩先以薔薇露灌手薰玉蕤香後發讀曰大雅之文正當嫉是子昶為集賢校理以退之金根車馬為誤改為金銀世甚鄙之

金根天子親耕所乘車也

韓退之詩云喚起窓全曙催歸日未西無心花裏

堯山堂外紀卷二十九

乙

鳥更與盡情啼乃二禽名也喚起聲如絡緯間轉清亮偏鳴於春曉江南謂之春喚催歸子規也

韓退之有二侍妾一曰絳桃一曰柳枝皆善歌舞

退之使王庭湊至壽陽驛寄詩云風光欲動別

長安春半邊城特地寒不見園桃并巷柳馬頭

惟有月團圓後使還柳枝已逾牆遁去為家人

所獲惟絳桃在乃作詩云別來楊柳街頭樹擺

亂春風只欲飛。惟有小桃園裏在。留花不發待
郎歸。自是專屬意絳桃。昌黎公晚年頗親脂粉
故事服食用硫黃末攪
粥飯啖鷄男不使交于日烹庖名火靈庫
公間日進一隻馬始亦見功終致絕命

韓湘字清。夫文公猶子也。落魄不羈。文公勉之令
學。湘作詩獻公云。青山雲水窟。此地是吾家。後
夜流瓊液。凌晨咀絳霞。琴彈碧玉調。爐煉白朱
砂。寶鼎存金虎。元田養白鴉。一瓢藏世界。三尺
斬妖邪。解造逡巡酒。能開頃刻花。有人能學我。
堯山堂外紀卷二十九

二

同共看仙葩。公覽而戲之曰。子能奪造化耶。湘
因指堦前牡丹曰。叔要此花。青黃赤紫。惟命公
大驚異。遂給所需。試之。乃賈紫粉朱紅。旦暮治
其根。凡七日。時冬初也。牡丹忽發碧花二朶。花
間擁出金字詩一聯云。雲橫秦嶺家何在。雪擁
藍關馬不前。公未曉其意。湘辭去。未幾。公以佛
骨事謫潮州。途中遇雪。湘冒雪來問公曰。公憶
花上句乎。公詢其地。卽藍關也。嗟嘆久之曰。吾

為汝足成此詩詩曰一卦朝奏九重天夕貶潮

陽路八千本為聖明除弊政敢將衰朽惜殘年

雲橫秦嶺家何在雪擁藍關馬不前知汝遠來

須有意好收吾骨瘴江邊因與同宿傳舍湘又

獻詩云舉世盡為名利醉吾今獨向道中醒他

時定見飛昇去衝破秋空一點青乃出藥一粒

曰服此可禦瘴也遂辭去昌黎公寢疾忽中宵驚悸既寤而汗雷衾

禍命侍人扶坐小君問之良久曰向來夢神長犬餘金鎧持戟直入寢門自稱大聖瞑目謂我

堯山堂外紀卷二十九

曰睢邃骨稅國世與韓為讐吾欲討之不能如何跪荅曰願從大聖討焉不旬日而公薨

柳宗元

字子厚自永州徵至京意望錄用一

也昨夢柳樹仆地其不祥乎卜者曰夫生則柳樹死則柳木木者牧也君其牧柳州

乎竟如其言時號為柳柳州

柳子厚與浩初上人看山詩云海畔尖山似劍攢

秋來處處割愁腸若為化得身千億散上峯頭

望故鄉議者謂子厚南遷不得為無罪蓋未死

而身已在刀山矣

子厚吟春水如藍詩久之不成乃取九却未於地邊沙上

柳子厚守柳州日築龍城得白石微辦刻畫曰龍城柳神所守驅厲鬼山左首福土垠制九醜此子厚自記也退之作羅池廟碑云福我兮壽我驅厲鬼兮山之左盖用此事

劉禹錫

字夢得順宗時干預大權門吏接書尺日數千禹錫一一報謝綠珠盆中

日用麵一斗為糊以供緘封

貞元末劉夢得為尚書屯田員外郎時玄都觀未堯山堂外紀卷二十九

四

有花木是歲左遷朗州司馬居十年召至京師人皆言有道士植仙桃滿觀遂作贈看花諸君子詩曰紫陌紅塵拂面來無人不道看花回玄都觀裏桃千樹盡是劉郎去後栽有素嫉其名者白於執政誣其怨憤他日見時宰與坐慰問甚厚既辭即曰近者新詩未免為累奈何不數日出為連州刺史凡十有四年得為主客郎中重遊玄都蕩然無復一存惟兔葵燕麥動搖春

風耳因再題二十八字曰百畝庭中是苦桃花
淨盡菜花開種桃道士今何在劉郎去又
來權近益薄之

元和中國樂有米嘉榮何戡並善歌劉尚書與嘉
榮詩云三朝供奉米嘉榮能變新聲作舊聲于
今後輩輕前輩好染髭鬚事後生又自貶所歸
京聞何戡歌曰二十年來別帝京重聞天樂不
勝情舊人唯有何戡在更與殷勤唱渭城

堯山堂外紀卷二十九

五

長慶中劉夢得與元微之韋楚客同會白樂天舍
論南朝興廢各賦金陵懷古詩劉滿飲一盃飲
已卽成曰王濬樓船下益州金陵王氣黯然收
千尋鐵鎖沉江底一片降幡出石頭人世幾回
傷往事山形依舊枕江流而今四海為家曰故
壘蕭蕭蘆荻秋白覽詩曰四人探驪龍子先獲
珠所餘鱗爪何用耶於是罷唱

劉夢得石頭詩云山圍故國周遭在潮打空城寂

冥迴淮水東邊舊時月。夜深還過女牆來。樂天
掉頭苦吟嘆賞良久曰。潮打空城寂寞迴。吾知
後之詩人。不復措辭矣。

白樂天任杭州刺史。携數妓還洛陽。後却還錢塘。
劉夢得戲荅云。其那錢塘蘇小小。憶君淚點石
榴裙。

牛僧孺將赴舉時。投贄於劉補闕。夢得

劉對客展

卷飛筆點竄其文。一時雖謝礮礪。終為鞅鞅後

堯山堂外紀卷二十九

六

劉轉汝州竒章。出鎮漢南。枉道至汝。駐旌旄。信
宿酒酣。以詩喻劉曰。粉署為郎四十春。今來名
筆更無人。休論世上升沉事。且鬪尊前見在身。
珠玉會應成咳唾。山川猶覺露精神。莫言恃酒
輕言語。曾把文章謁後塵。劉承詩意。方悟往年
改文卷事。因作詩謝過曰。昔年曾忝漢朝臣。晚
歲空餘老病身。幼見相如成賦日。後為丞相掃
門人。追思往事咨嗟久。喜幸清光笑語頻。猶有

當時舊冠劍待公三日拂埃塵牛公哈諷前意
稍解曰三日之事何敢當焉宰相三朝後主印
於是移宴竟夕方整前驅可以昇降百司

劉夢得對賓友每吟張博士籍詩云新酒欲闌期

好客衣冠暫脫見閑身對花木則吟王右丞詩

云興闌鳴鳥換坐久落花多白樂天嘗齋為錫病酒乃饋菊苗羹

蘆菴鮒換取樂天六班茶二囊以自醒酒

呂溫字和叔又字化光嘗從陸贄治春秋

堯山堂外紀卷二十九

柳子厚在柳州呂溫嘲之曰柳州柳刺史種柳柳

江邊柳管依然在千株柳拂天後南卓為黔南

經畧使故人嘲曰黔南南太守南郡在雲南開

向南亭醉南風變俗談卓嘗言事出為松滋令詩贈從事云翱翔曾在

王京天墮在江南地幾年後事不須輕縣宰滿身猶帶御爐烟

呂溫守道州時段洪古客馬一夕同於樓上把火

看花賦詩云城上芳園花滿枝城頭太守夜看

時為報林中高舉燭感人情思欲題詩溫答云

盡日看花君不來。江城半夜為君開。樓中共指南園火。紅燼隨花落碧苔。

張籍

字文昌。蘇州人。嘗取杜甫詩一帙。焚取灰燼。副以膏密。頓飲之。曰。令吾肝腸從

此改易。

張籍用藥名作離合詩。答鄱陽客云。江臯歲暮相

逢地。黃葉霜前半夏枝。子夜吟詩向秋桂。心中

萬事豈君知。

此不離偏旁。但以一物一字離于。一句首尾。而首尾相續為一物者。

張籍用裴晉公薦為國子博士。東平帥李師道辟

堯山堂外

紀卷二十九

八

為從事。籍賦節婦吟辭之云。君知妾有夫。贈妾

雙明珠。感君纏綿意。繫在紅羅襦。妾家高樓連

苑起。良人持戟明光裏。知君用心如日月。事夫

誓擬同生死。還君明珠雙淚垂。何不相逢未嫁

時。

朱慶餘遇張籍知音。索慶餘新舊篇。擇留二十六

章。置之懷袖。而推替之。詩人以籍重名。皆繕錄

諷詠。遂登科。慶餘作閨意。意一篇以獻。曰。洞房

昨夜停紅燭。待曉堂前拜舅姑。粧罷低聲問夫婿。畫眉深淺。入時無籍。酬之曰。越女新粧出鏡心。自知明艷更沉吟。齊紈未足時人貴。一曲菱歌敵萬金。由是朱之詩名流於海內。

元和中長安有沙門善病人文章尤能捉語意相合之處。張籍頗恚之。冥搜愈切。思得句曰。長因送人處。憶得別家時。經往跨揚乃曰。此應不合前輩意也。沙門笑曰。此有人道了也。籍曰。向有

堯山堂外紀卷二十九

九

何人沙門吟曰。見他桃李。奈思憶後園春。籍因撫掌大笑。

王建

字仲初。與張文昌友善。有宮詞百首甚五。

王建初為渭南尉。與宦者王守澄有宗人之分。因過飲。語及漢桓靈信任中官事。守澄深憾其讒。乃曰。吾弟所作宮詞。禁掖深邃。何以知之。將奏劾建。建作詩以解之。云。先朝行坐鎮相隨。今上

春宮見小時。脫下御衣親賜着。進來龍馬每教

騎長承密旨歸家。獨奏邊機出殿遲。不是當
家頻向說九重爭得外人知。自是守澄不敢有
言。

諺云乾星照濕土來日依舊雨。王建聽雨詩云半
夜思家睡裏愁。雨聲落落屋簷頭。照泥星出依
然黑。淹爛庭花不肯休。

歐陽詹

字行周泉州人與韓愈等同舉
進士時稱龍虎榜終四門助教

歐陽詹遊太原悅一妓將別約至都相迎途出寄

堯山掌外紀卷二十九

十

詩曰驅馬漸覺遠迴頭長路塵高城已不見况
復城中人去意自未甘居情諒猶辛萬里東去
晉千里西南秦一履不出門一車無停輪流萍
與繫匏早晚期相親妓得詩思之不已疾且甚
乃刃其髻藏之謂女弟曰歐陽生至可以為信
因題詩曰自從別後減容光半是思郎半恨郎
欲識舊來雲髻樣為奴開取縷金箱絕筆而逝

及詹至如其言示之詹啓函一慟而卒

歐陽澥四門詹之孫也娶婦經旬而辭赴舉久不
還家自憐十八年之帝鄉未遇知己乃為燕詩
獻主司鄭愚曰翩翩雙燕畫堂開送古迎今幾
萬迴長向春秋社前後為誰歸去為誰來

陸長源

字詠為宣武行軍司馬韓愈為巡官同在使幕戎議其年輩相遠愈曰大

蚤老鼠俱十二相屬何慍之有

陸長源為郎中日判僧常滿智真等同於娼家飲

酒烹宰等事云口說如來之教在處貪財對着

堯山堂外紀卷二十九

無價之衣終朝食肉若行未同迦葉自謂頭陀

神通何有淨名入諸媼舍犯爾嚴戒黷我明刑

仍集遠近僧徒痛杖三十處死

韓晉公斷法師雲晏等五人聚

集賭錢因有喧諍云正法何曾執只空門不積餘財白日既能賭博通宵必醉樽罍強說天堂

難到又言地獄長開並付江神收管波中便是象堂

崔護

字殷功貞元中登第終嶺南節度使

崔護初舉進士不第清明獨遊都城南得村居花

木叢萃叩門父有女子自門隙問之對曰尋春

獨行酒渴求飲。女人啓闥以盃水至。獨倚小桃
柯。佇立而意屬殊厚。崔辭起。送至門。如不勝情
而入。後絕不復至。及來歲清明。徑往尋之。門庭
如故。而戶扃鎖矣。因題詩於其左扉云。去年今
日此門中。人面桃花相映紅。人面不知何處去。
桃花依舊笑春風。後以其意未全。語未工。改第
三句。人面祇今何處去云。

崔護不登科。怒其考官苗登。苗卽崔從舅也。乃私

堯山堂外紀卷二十九

十二

試為判頭。毀其舅曰。甲背有猪皮之異。其判曰。
曹人之袒重耳。駢脅載觀。相里之剝齒登。猪皮
斯見。初登為東畿尉。相里造為尹。曾欲笞之。袒
其背。有猪毛長數寸。故云。又曰。當偃兵之時。則
燧而無用。在冗食之日。則搖而有求。皆謂其尾
也。

杜羔

有至性。於兵亂後。訪中得
母。而奉養焉。貞元未登第。

杜羔妻劉氏。善為詩。羔累舉不第。將至家。妻先寄

詩曰良人的的有奇才。何事年年被放回。如今
妾面羞君面。君到來時近夜來。羔見詩報不敢
歸。復遊長安尋登第。妻又寄詩云長安此去無
多地。鬱鬱葱葱佳氣浮。良人得意正年少。今夜
醉眠何處樓。羔得詩卽命駕還里。

鄭還古

元和初
登第

鄭還古寓東都。與柳當將軍同巷。鄭調西都。柳說
宴餞行出家妓歌樂以送。內有一妓嬌美。鄭昏

堯山堂外紀卷二十九

十三

戀不已。柳謂曰。此沈真真本良家女。頗能文辭。
請公一詩以定情好。候公拜命卽當送。賀公欣
然賦之云。冶艷出神仙。清聲勝管絃。詞輕白苧
曲。歌過碧雲天。未擬生裴秀。何妨乞鄭玄。不堪
金谷水。橫過陸樓前。柳大喜。俾真真拜謝。鄭至
京。除國子博士。柳見除目卽送真真。赴約。及嘉
祥驛。而還古物故。真真守節終身。

周匡物

字幾本。潭州人。元
和時以狀詩著名。

周匡物家貧徒步應舉至錢塘乏僦船之資久不
得濟乃題詩公館云南里茫茫天塹遙秦皇底
事不安橋錢塘江口無錢過又阻西陵兩信潮
郡牧見之乃罪津吏

施肩吾

字希聖元和中登第以洪州西山羽化之地高蹈於此

隋曲有踈勒鹽唐曲有突厥鹽阿鵲鹽或云關中
人謂好為鹽故肩吾詩云顛狂楚客歌成雪媚
嫵吳娘笑是鹽

去元山堂外紀卷二十九

十四

施肩吾與崔嘏同年不曉嘏舊失一目以珠代之
施朝之曰二十九人及第五十七眼看花

沈亞之

字下賢學於退之之門與皇甫湜以文往來元和中下第李賀有詩送之

沈亞之常客遊為小輩所試曰某改令書俗各兩
句伐木丁丁鳥鳴嚶嚶東行西行遇飯遇羹亞
之荅曰如切如磋如琢如磨欺客打婦不當婁
羅

太和初沈亞之之弟憇長安邸舍夢為秦穆公女

美玉婚公主死應教作挽歌曰泣塋一枝紅生
同死不同金鈿墜芳草香綉滿春風舊日聞簾
處高樓明月中梨花寒食夜深閉翠微宮

堯山堂外紀卷二十九終

十五

堯山堂外紀卷三十

晉陵蔣仲舒編

唐

裴度

字中立。元和未為宰相。歷事四朝。以全德始終。李義山稱為聖相。微時寓洛。嘗

策蹇天津橋。有二老人倚柱而立。語云。遼憂蔡州未平。須待此人為將。其僕攜書囊從後聞之。歸述其事。度曰。見我龍鍾相戲耳。沮留守洛。每語天津橋老人之事。有別聖於集賢里。具涼臺燠。號綠野堂。

元和中裴度山。淮西詩。韓愈為掌書記。又戎平

堯山堂外紀卷

一

入覲。以詩云。希中賓客。愆和一篇云。幸仗旋師

太華東。天書夜到冊元功。將軍舊壓三司貴。相

國新兼五等崇。鴛鴦欲歸仙仗裏。熊羆還入禁

營中。長慙典筆泚材職。得就閑官即至公。時李

僕射方為華州刺史。戎服橐鞬迎於道左。愈有

詩云。荆山行盡華山來。日暝潼關四扇開。刺史

莫嫌迎候遠。相公親破蔡州回。

裴度征淮西日。掘得一碑。上有謠云。井底一竿竹。

竹色深深綠。雞未肥。酒未熟。障車兒郎且須縮。
有識之者曰。雞未肥。肥去月。乃已字。酒未熟。乃

酉字。其後吳元濟果以已酉日就擒。

宋人四六有學慙鼠

獄智之雞碑。下句正用此事。

劉虛白昔與裴令公同硯席。及公主文虛白猶是
舉子。試雜文。日簾前獻一絕云。二十年前此夜
中。一般燈燭一般風。不知歲月能多少。猶着麻
衣待至公。

堯山堂外紀卷

二

白樂天求馬於裴令公。公贈以馬。因戲云。君老有
心求逸足。我還留意在明珠。引妾換馬之事。樂
天答曰。安石風流無奈何。欲將赤驥換新娥。不
辭便送東山去。臨老何人與唱歌。

裴晉公在相位有人寄槐瘻一枚欲削為枕時郎
中庾威世稱博物召請別之庾捧翫良久曰此
是雌樹生者恐不堪用語次偶及庾甲庾曰某
與令公同是甲辰生公笑曰郎中便是雌甲辰

裴晉公除平章事制有云十拜相詔四登帥壇嘗
自贊曰爾身不長爾貌不揚胡為將胡為相一
片靈臺丹青莫狀

裴晉公中書即事云有意效承平無功益聖明
灰心緣忍事霜鬢為論兵道直身還在恩深命轉
輕鹽梅非擬議葵藿是平生白日長懸照蒼蠅
謾發聲崑陽舊田地終使謝歸耕

裴晉公不信術數每語人曰雞豬魚蒜逢着則契
堯山堂外紀卷三

生老病死時至則行

裴晉公臨薨以平淮西所賜玉帶却進口占奏狀
曰內府之珍先朝所賜既不合將歸地下又不
合畱在人間聞者嘆其不亂

錦坊小兒坂草盈茂時公使驅數羣羊散坂上
曰芳草多情賴此粧點臨終告門人曰吾死無
所繫但午橋莊松雲嶺未成軟碧池
繡魚尾未長漢書未終篇為可恨耳

權德輿 字載之三歲時能辨四聲元
和中同平章事卒謚曰文

唐制舉人試日既暮許燒燭三條主文權德輿於

簾下戲云三條燭盡燒殘舉子之心舉子遽答

云八韻賦成驚破侍郎之膽

或通中韋承貽試日先畢曾作詩賦

此事云褒衣博帶滿塵埃獨向都堂納卷回蓬

巷幾時聞吉語棘籬何日免重來三條燭盡鐘初動九轉丹成鼎未開殘月漸低人擾擾不知誰是謫仙才

權德輿以文為戲嘗用古人名藏句中其一篇

云藩宣秉戎寄衡石崇位勢年紀信不畱弛張

良自媿樵蘇則為愜瓜李斯可畏不顧榮官尊

每陳農畝利忌滿寵生嫌養蒙恬勝智疎鐘浩

堯山堂外紀卷

四

月曉晚景丹霞異澗谷永不譖山梁冀無累頗

符生肇學得展禽尚志從此直不疑支離疎世

事

王播

字明敷弟起鐸一門三相文宗嘗題詩太子笏賜起詔畫像便殿號當世仲尼

王播少孤貧嘗客揚州惠照寺木蘭院隨僧齋粥

僧厭苦之乃齋罷而後擊鐘後二紀播出鎮揚

州因訪舊遊向之題處皆以碧紗幕其詩播繼

以二絕句曰三十年前此院遊木蘭花發院新

修如今再到經行處。樹老無花僧白頭。又上堂
已了各西東。慚愧闍黎飯後鐘。三十年來塵撲
面。而今始得碧紗籠。

陳通方與王播同年。播年五十六。通方甚少。因期
集。撫播背曰。王老。奉贈一第。播恨之。後通方丁
家難。辛苦萬狀。播掇三科。為正郎。判鹽鐵。通方
窮悴求助。不甚給之。時李虛中為副使。通方以
詩求為汲引。云。應念跣傷憔悴翼。昔年喬木幸
堯山。堂外紀卷三十

五

同遷。播不得已。薦為江西院官。

王起四典貢舉。所取士皆知名者。人服其鑒。會昌
中。放第二榜。僧廣宣以詩寄賀曰。從辭鳳閣掌
絲綸。便向青雲領貢賓。再開文場無枉路。兩開
金榜絕寬人。眼看龍化門前水。手放鸞飛谷口
春。明日定歸台席去。鶴鷄原上共陶鈞。起和云。
延英面奉入春闈。亦選工夫亦選奇。在冶只求
金不耗。用心空學秤無私。龍門變化人皆望。鸞

谷飛鳴自有時。獨喜向公誰是論。彌天上士與

新詩。起子龜。從起在河中。於中條山山谷中起。草堂與山人道士游。朔望一還府。第八目。

為郎君谷

初王起自中書舍人。知舉放進士。周墀及第後。同在翰林。及會昌。再放榜。時墀任華州。因寄詩賀。敘同在翰林。曰文場三化魯儒生。二十餘年振重名。曾忝木雞誇羽翼。又陪金馬入蓬瀛。雖欣月桂居先折。更羨春蘭最後榮。欲到龍門看風堯山堂外紀卷三十

六

水關防不許暫離營。起答曰貢院離來二十霜。誰知更忝主文場。楊葉縱能穿舊的。桂枝何必愛新香。九重每憶同仙禁。六藝初吟得夜光。莫道相知不相見。蓮峯之下有龔黃。人以為絕唱。

李逢吉

字虛舟。嘗知貢舉。榜未放而入相。王播代放榜。及第人。就中書見座主時。

稱好脚跡門生

元和十一年歲在丙申。李逢吉下三十三人。皆取

寒素。時有詩曰。元和天子丙申年。三十三人同

得仙袍似爛銀衣似錦相將白日上青天

李逢吉性彊愎而沉猜多忌好危人略無作色劉禹錫有妓甚麗李陰以計奪之約某日皇城中置宴朝賢寵嬖並請早赴境會敕閣吏先放劉家妓從門入傾都驚異無敢言者劉惶惑吞聲又翌日與相善數人謁之但相見如常從容久之並不言境會之所以然座中默然相目而已

既罷一揖而退劉嘆咤而歸無可奈何遂憤懣

堯山堂外紀卷三十

七

而作四章以擬四愁其一云玉釵重合兩無緣

魚在深潭鶴在天得意紫鸞休舞鏡傳言青鳥

罷銜殘金盆已覆難收水玉軫長籠不續絃若

向蘼蕪山下過遙將紅淚灑窮泉其二云鸞飛

遠樹棲何處鳳得新巢已去心紅壁尚留香漠

漠碧雲初斷信沉沉情知點污投泥玉猶自經

營買笑金從此山頭似人石丈夫形狀淚痕深

其三云人曾何處更尋看雖是生離死一般買

笑樹邊花已老。畫眉總下月猶殘。雲藏巫峽音容斷。路隔星橋。過往難莫怪詩成無淚滴。盡傾東海也。須乾其四云三山不見海。沉沉豈有仙蹤更可尋。青鳥去時雲路斷。嫦娥歸處月宮深。紗牕遙想春相憶。書幌誰憐夜獨吟。料得夜來天上鏡。只因偏照兩人心。

李翱

字習之。父名楚金。故其所為文皆以今為茲。特有毛傳者。好食鳩。人與已相得。

必以鳩贈之。一見翱贈十二卷。

堯山堂外紀卷三十

八

李尚書在潭州席上有舜柘枝者。顏色憂悴。殷堯藩侍御當筵贈詩曰。姑蘇太守青娥女。流落長沙舞柘枝。滿座繡衣皆不識。可憐紅臉淚雙垂。

翱詰其事。乃姑蘇臺韋中丞愛姬所生之女。

夏卿

之裔正卿之姪

曰。妾以昆弟天折。委身樂部。耻辱先人。

言訖涕咽。情不能堪。亞相為之吁嘆。且曰。吾韋族姻舊。速命更其舞衣。飾以桂襦。延與韓夫人。

相見。

夫人史部之女

顧其言語清楚。宛有冠蓋風儀。遂

於賓榻中選士而嫁之舒元與侍郎聞之自京
馳詩曰湘江舞罷忽成悲便脫蠻靴出絳幃誰
是蔡邕琴酒客魏公懷舊嫁文姬

李尚書初守廬江有重繫者當大辟引慮之時啟
曰昔於小時專習一藝願於貴人前試之乃長
嘯也公命緩繫而聽之曰不謂蘇門之風出於
赭衣之下遂蠲其罪有僧相打斷云夫說法則
不曾敷坐而坐相打則偏袒右肩左肩領來向
堯山堂外紀卷三十

九

佛前而作偈言各答去衣十五以例三千大千
又斷僧通狀云上歲童子二十受戒君王不朝
父母不拜口稱貧道有錢放債量決十下牒出
東界

李尚書收江淮日進士盧儲投卷來謁李禮待之
置文卷案間赴公宇視事長女及笄見文卷尋
繹數四謂小青衣曰此人必為狀頭李聞之深
異其語乃納為婿來年果狀元及第纔過殿試

卽赴佳姻作催粧詩曰昔季將事王京遊第一
仙人許狀頭今日已成秦晉會早教鸞鳳下粧
樓

李翱問藥山禪師如何是道師曰雲在天水在瓶
翱作偈曰鍊得身形似鶴形千株松下兩函經
我來問佛無餘話雲在青天水在瓶翱問如何
是戒定慧師曰太守欲保任此事直須向高高
山頂坐深深海底行閨閣中物割捨不得便為
堯山堂外紀卷三十
十
滲漏師一夜登山大笑翱贈詩曰選得幽居愜
野情終季無送亦無迎有時直上孤峰頂月下
披雲笑一聲

李約

字存博汧公勉之子梁武造寺令蕭子
雲飛白大書一蕭字約自江淮竭產致

歸洛中扁於小

亭號曰蕭齋

李約為兵部員外郎與主客外郎張諗同官每單
床靜言達旦不寐贈韋微君况詩曰我有心中
事不向韋三說秋夜洛陽城明月照張八

李約雅度簡遠有山林之致在潤州得古鐵一片擊之清越又養一猿名山公月夜泛江登金山鼓琴猿必嘯和曾佐庶人李錡幕至金陵屢讚招隱寺標致一日庶人宴寺中明日謂曰子嘗稱招隱標致昨日遊宴何殊州中約曰某所賞者踈野耳若遠山將翠幕遮古松用綵物裹羶腥浣塵跑泉音樂亂山鳥聲此則實不知在叔父大廳也

堯山堂外紀卷三十

李員外觀祈雨云桑條無葉土生烟簫管迎龍水廟前朱門幾處耽歌舞猶恐春陰咽管絃

李涉

字清溪與弟渤俱隱南康山中渤嘗養一白鹿號白鹿先生

李涉題鶴林寺僧室云終日昏昏醉夢間忽聞春盡強登山因過竹院逢僧話又得浮生半日閑

宋時有數貴人遇休沐携歌舞僧舍者酒酣誦此詩僧聞而笑曰尊官得半日閑老僧却忙三日謂一日供帳一日燕集一日掃除也

李涉嘗過九江至皖口遇盜問何人從者曰李博

士也其豪首曰若是李涉博士不用剽奪久聞
詩名願題一篇足矣涉贈一絕云春雨蕭蕭江
上村綠林豪客夜知聞相逢不用相迴避世上
如今半是君豪首餞賂且厚李不敢却而覩斯
人神情復異復期會於淮揚佛寺及至揚遍歷
諸寺遇一女子拜泣乃故劉員外愛姬宋態也
劉李有昔年之分贈詩曰長憶雲仙至小時笑
蓉頭上縮青絲當時驚覺高唐夢唯有如今宋

堯山堂外紀卷三十

十二

王知又陵陽夜醮使君筵解語花枝在眼前自
從明月西沉海不見姮娥二十年已而歎曰不
見豪首而逢宋態成終身之喜恨矣後番禺舉
子李彙征客遊閩越馳車至循州冒雨求宿田
翁指韋氏莊居韋氏乃杖屨迎賓年已八十有
餘自稱曰野人韋思明與李生談論淹留累夕
因及詩語韋叟吟曰長安輕薄兒白馬黃金羈
以彙征年少而事輕肥故也李生還令云昨日

美少季今日成老醜。韋乃喟然歎曰：老其醜矣！少壯所嗤，至客改令，不離舊意。曰：白髮有前後，青山無古今。韋微笑曰：白髮不遠於秀才，何忽於老夫也？叟復還令曰：此公頭白真可憐，惜伊紅顏美少年。於是共論數十家歌詩次第。及李涉絕句，主人酷稱善。彙征遂吟曰：遠別秦城萬里遊，亂山高下出商州。關門不鎖寒溪水，一夜潺湲送客愁。又曰：華表千年一鶴歸，丹砂為頂

雪為衣，泠泠仙語人聽盡。却向五雲翻翅飛。思明復吟二篇曰：因韓為趙兩遊秦，十月冰霜渡孟津。縱使雞鳴見關吏，不知余也是何人。又曰：滕王閣上唱伊州，二十年前向此遊。半是半非君莫問，西山長在水長流。李生重詠贈豪客詩：韋叟愀然變色曰：老身弱齡，不肯遊浪江湖。交結奸徒，為不平事。後遇李涉博士，蒙簡此詩，因

而跽跡。李公待愚擬陸士衡之薦戴若思中心

藏焉遠隱羅浮山經于一紀李旣云亡不復再
遊秦楚追惋今昔因乃潛然復數日別

堯山堂外紀卷三十終

堯山堂外紀卷三十

十四

堯山堂外紀卷三十一

晉陵蔣仲舒編

唐

李賀

字長吉常使小奚奴背一古破錦囊隨行遇有所得即書投囊中及暮歸足成

之太夫人見所書多輒曰是兒要當啞出心肝始已耳有人謁賀見其久而不言唾

地者三俄而成文三篇元積以明經中策願與賀交賀見刺曰明經及第何事未見

李賀積漸而退未幾制策登科禮部議賀父名晉不合舉進士時輩排之賀竟不第

將死時畫見一緋衣人駕赤虬持一版書若太古篆或霹靂石文者云上帝新作白

堯山堂外紀卷三十一

玉樓以召君為記少之賀氣絕賀有表兄與賀筆硯之舊恨賀傲忽賀死後給取

其藁盡投溷中

李賀季七歲以長短之製名動京華時韓退之與

皇甫湜覽賀所作奇之因聯騎造門求見賀非

角荷衣而出二公令面賦一篇賀承命欣然操

觚染翰傷若無人仍名曰高軒過其詞曰華裾

織翠青如蔥金環壓轡搖玲瓏馬蹄隱耳聲隆

隆入門下馬氣如虹云是東京才子文章鉅公

二十八宿羅心胃。元精炯炯貫當中。殿前作賦
聲摩空。筆補造化天無功。龐眉書客感秋蓬。誰
是苑草生華風。我今垂翅附冥鴻。他日不羞蛇
作龍。二公大驚遂以所乘馬命聯驢而還。所居
親為束髮。

李賀以歌詩謁韓愈。愈時為國子博士。分司送客
歸。困盍已解帶。門人呈卷。旋讀之首篇。乃鴈門
大守行也。即束帶見之。其詩云。黑雲壓城城欲
堯山堂外紀卷三十一

二

摧甲堯向月。金麟開角聲。滿天秋色裏。塞上燕
脂凝。夜紫半卷紅。旗臨易水。霜重鼓聲寒。不起
報君黃。金臺上意提。携玉龍為君死。宋景文諸
公在館中
許唐人詩曰。李白仙才長吉鬼才。王安石曰。長
吉詩。黑雲壓城城欲摧。甲光耀日金鱗開。是兒
言不相副。方黑雲如此。
安得耀日之甲光也。

李賀紫石研歌。端州石匠巧如神。霧天磨刃割紫
雲。紗帷晝睡墨花春。輕漚漂沫松麝薰。

盧仝

號玉川子。詩體與馬異俱尚險怪。二人
結交詩云。仝仝不異。不異是謂仝仝。而

小異盧茶歌句
警洛陽有全煮茶泉

盧仝下第出都投逆旅有一人附火吟曰學織錦
梭工未多亂投機杼錯拋梭若教官錦行家見
把似文章笑殺他因問之云舊例宮錦坊近以
薄技投本行云如今花樣不同且東歸也

盧仝有子名添丁仝作詩示之曰春風苦不仁呼
逐馬蹄行人家瘴氣却怜我入我憔悴骨中為
生涯數日不食強起行何忍索我抱着滿樹花

堯山堂外紀卷三十一

三

不知四體正困憊泥人啼哭聲呀呀忽來案上
翻墨汁塗抹詩書如老鴉父憐母惜擱不得却
生癡笑令人嗟宿春連曉不成米日高始進一
椀茶氣力龍鍾頭欲白憑杖添丁莫惱爺後仝
留王涯第中遂預甘露之禍仝老無髮奄人於
腦後加釘馬人以為添丁之讖

孟郊

字東野韓愈以為忘年交年五十第進

士尉漂陽以吟詩廢曹務令白府以尉
代之分其半俸邑有投金瀨以郊
得名郊卒張籍謚曰貞曜先生

孟東野窮餓不得安養其親周天下無所遇作詩曰食糞腸亦苦強歌聲無歡出門即有礙誰為天地寬

孟東野下第詩曰棄置復棄置情如刀劍傷又再下第詩曰一夕九起嗟夢知不到家兩度長安陌空將淚見花後及第有詩曰昔日齷齪不足嗟今朝曠蕩思無涯青春得意馬蹄疾一日看徧長安花

堯山堂外紀卷三十一

四

孟東野塘下行云塘邊日欲斜年少早還家徒將白羽扇調妾木蘭花不是城頭柳那棲來去鴉又有遊子行云慈母手中線遊子身上衣臨行密密縫意恐遲歸遲將寸草心報得三春暉

賈島

字浪仙初為浮屠名無本韓愈惜其才俾反俗應舉島常以歲除取一季所得詩祭以酒曰勞吾精神以是補之島至老無子因啖牛肉得疾終于傳舍李洞慕其詩鑄銅象島儀事之如神常念賈島佛

賈島初赴京師一日於驢上得句云鳥宿池邊樹

僧敲月下門始欲作推字又欲着敲字煉之未
定遂於驢上吟哦時時引手作敲推勢時韓愈
吏部權京兆尹烏不覺衝至第三節尚為手勢
未已左右擁至尹前烏具對所得詩句推與敲
字未定神遊詩府致冲大官愈立馬良久曰作
敲字佳遂並轡歸留連論詩與為布衣交有詩
贈云孟郊死塋北印山日月星辰頓覺閑天恐
文章中斷絕再生賈烏在人間烏自此名著

柳子

堯山堂外紀卷三十一

五

王祭文郊寒島瘦元輕白俗

烏騎驢天衢時秋風正厲黃葉可掃烏忽吟曰落
葉滿長安卒求一聯未得因唐突京尹劉栖楚
被繫一夕而釋

此與韓愈推敲事又別

烏久不第吟病蟬之句以刺公卿或奏烏與平魯
等為舉場十惡逐之詩曰病蟬飛不得向我掌
中行折翼猶能薄酸吟尚極清露華凝在腹塵
點誤侵晴黃雀并烏烏俱懷害爾情

烏不善程試每疊一

幅巡誦告人曰原夫之類乞
一聯原夫賦中轉起字也

裴晉公初立第於街西興化里鑿池種竹起臺榭
島方下第或以為執政惡之故不在選怨憤題
詩曰破卻千家作一池不栽桃李種薔薇薔薇
荅落秋風起荆棘滿庭君始知皆惡其不遜
高麗使過海有詩云沙鳥浮還沒山雲斷復連時
島詐為稍人聯下句云棹穿波底月船壓水中
天麗使嘉歎久之不復言詩

堯山堂外紀卷三十一

六

島為僧時居法乾寺洛陽令不許僧午後出寺島
有詩云不如牛與羊猶得日暮歸一日宣宗微
行至寺聞鍾樓上有吟聲遂登樓於島案上取
詩覽之島攘臂睨之曰郎君何會此耶遂奪取
詩卷帝慚下樓去既而島知之亟謝罪乃賜御
札後除為長江簿初之任道中賦詩曰策杖馳
山驛逢人問梓州長江何日到行客替生愁及
過東川守者厚禮之島獻感恩詩曰匏革奏終

非獨樂軍城未曉啟重門。何時却入三台貴。此
日空知八座尊。羅綺舞間收雨點。貔貅閫外卷
雲根。逐遷屬吏隨賓列。撥棹扁舟不忘恩。

島自長江遷普州司倉方干自鏡湖寄詩曰亂山

重復疊何路訪先生豈料多才者空垂不第名
閑曹猶得醉薄俸亦勝耕莫問吟詩苦年年芳

草平

孟郊賈島皆窮困至死或謂詩能窮人昔
有作詩卻相者云貌拙慙君仔細看鏡中

我自覺神寒試從李杜編
排起幾箇令人做大官

堯山堂外紀卷十一

十一

七

平曾

薛平僕射出鎮浙西平曾投謁薛主禮稍薄曾留

詩以諷之曰梯山航海幾崎嶇來謁金陵薛大

夫髭髮緊時趨劍戟衣冠儼處拜冰壺誠知兩

軸非珠玉深媿三鱣郵旅途今日楚江風正好

不須迴首望勾吳薛聞之曾將出境遣吏追還

靡留數日又獻繫白馬詩曰白馬披鬃練一團

今朝被絆欲行難雪中放去空尋跡月下牽來

只見鞞向北長鳴天外遠。臨風斜控耳邊寒。自知毛骨還應異。更請孫陽子細看。薛觀詩曰。若不留絆行軒。那得觀其毛骨。遂以殊禮相待。

楊衡

字仲師。吳興人。孟東野有悼衡詩。

楊衡初隱廬山。有盜其文。登第者衡。因詣闕。亦登第。見其人盛怒曰。一一鶴聲飛上天。在否。答曰。此句知兄最惜。不敢偷。衡笑曰。猶可恕也。

張祐

字承吉。苦吟時。妻李喚之不應。以責祐。祐曰。苦方口吻。生花。豈恤汝輩。後知南

堯山堂外紀卷十一

海罷。仁載羅浮石歸。不治產。

張祐崔涯下第後。多游江淮。嘗嗜酒。侮謔時輩。或乘飲興。即自稱俠。二子好尚既同。相與甚洽。崔因醉作俠士詩云。太行嶺上三尺雪。崔涯袖中三尺鐵。一朝若遇有心人。出門便與妻兒別。由是往往播在人口。崔張真俠士也。爭設酒饌待之。

之

祐末年。薄有資力。一夕有非常人。裝飾甚武。囊貯一物。流血于外。入門謂曰。此非張俠士

居耶。曰。然。張揖容甚謹。既坐。客曰。有一讐人。十年莫得。今夜獲之。喜不可已。指其囊曰。此其首

也。張命酒餽之。容曰：此去三數里，有一義士，余欲報之，則平生恩讐畢矣。聞公氣義可假十萬緡，酬之。此後赴湯蹈火，為狗為雞，無所憚。張深喜其說，乃扶藁燭下，籌其縑素中品之物，量而與之。客曰：快哉！無所恨也。乃留藁首而去。期以却回，及期不至。五鼓絕聲，東曦既駕，杳無蹤跡。張慮以藁首彰露，且非已為容，既不來，計將安出。遣家人埋之。開藁，乃豕首也。因嘆曰：虛其名，無其實，而見欺若此，可不誠歟！爾後豪俠之氣頓喪。

張祐崔涯久在維揚，每題詩倡肆譽之，則車馬繼來，毀之則盃盤失錯。嘗戲贈營妓曰：雖得蘇方木，猶貪玳瑁皮。懷胎十箇月，生下崑崙兒。又曰：

堯山堂外紀

十一

九

布袍披襖，火燒毡紙補。篋篋麻接弦，更有一隻皮屐子。紇梯紇榻出門前，又嘲李端端云：黃昏不語不知行，鼻似烟，息耳似鐘。愛把象牙梳掠鬢，崑崙頂上月初生。端端往見二子曰：端端願祇承三郎六郎，伏望哀之。乃更贈曰：覓得驊騮被繡鞍，善和坊裏取端端。揚州近日渾成差，一朵能行白牡丹。於是大賈居豪，競臻其戶。或戲之曰：李家娘子纔出墨池，便登雪嶺。何其一日

黑白不均

崔生之妻雍氏揚州摠校女也儻質間雅夫婦甚睦雍族以崔郎甚有詩名資贍每厚崔生常於飲食處略無裨敬之顏但呼妻父雍老而已雍久之不能容勃然杖劍呼女而出曰某何朔之人唯襲兮馬養女合嫁軍門徒慕士流之德小女違公不可別醮便令出家汝若不從吾當揮劍立令涯妻剃髮為尼涯方悲泣悔過雍亦不

堯山堂外紀卷三十一

十

聽分疏親戚揮慟涯不得已裁詩留贈詩曰隴上流泉隴下分斷腸嗚咽不堪聞姮娥一入宮中去巫峽千秋空白雲

王智興為徐州節度一日諸從事會飲賦詩智興至從事即屏去翰墨智興言遠間作詩何獨見其而罷復以箋陳席上小吏亦置箋於智興前智興引毫立成曰三十年前老健兒劉被郎官遣作詩江南荅柳從君詠塞北烟塵我獨知四

座驚嘆監軍謂張祜曰觀茲盛事豈得無言祜
乃獻詩曰十年受命鎮方隅漢節忠規兩有餘
誰信將壇嘉政外季陵章句右軍書

張祜有二子一椿兒一桂子嘗有詩曰椿兒遠樹
春園裏桂子尋花夜月中一日張以詩上牢盆
使出其子授漕渠小職得堰俗號冬瓜人或戲
之曰賢郎不宜作等職張曰冬瓜合出祜子戲
者相與大哂

堯山堂外紀卷三十一

十一

張祜在冬瓜堰日憾其牛戶無禮責欲鞭笞錢塘
酒徒朱冲和小船經過祜令語曰張祜前不得
稱進士冲和乃自啟名而贈詩嘲曰白在東都
元已薨蘭臺鳳閣少人登冬瓜堰下逢張祜牛
屎堆邊說我能祜平生傲誕至於公侯未如斯
之挫也深恨之

令狐綯鎮維揚祜常預狎讌公因熟視祜改令曰
上水船風太急帆下人須好立祜答曰上水船

船底破好看客莫倚施。

張祜客淮南幕中赴宴杜牧同坐有所屬意索散
子賭酒牧微吟曰散子逡巡畏手拈無因得見
玉纖纖祜應聲曰但須報道金釵落彷彿還應
露指尖。

溫州顏郎中不知弧矢之能張祜觀其騎獵馬上
以詩戲之曰忽聞射獵出軍城人着戎衣馬帶
纓倒把角弓呈一箭滿山狐兔當頭行。

堯山堂外紀卷

十一

十二

故國三千里深宮二十年一聲河滿子雙淚落君
前自倚能歌曲先皇掌上憐新聲何處唱腸斷
李延年二章祜所作宮詞也傳入宮禁武宗疾
篤目孟才人曰吾即不諱爾何為哉才人指笙
囊泣曰請以此就縊上惻然復曰妾嘗藝歌請
對上歌一曲以泄其憤上許乃歌一聲河滿子
氣亟立殞上令醫候之曰脉尚溫而腸已絕帝
崩柩重不可舉或曰非俟才人乎爰命其襯襯

至乃舉袂爲孟才人嘆序曰才人以誠死上以誠命雖古之義激無以過也歌曰偶因歌態詠嬌頰傳唱宮人二十春却爲一聲河滿子下泉須弔舊才人

裴航

長慶中裴航秀才目下第遊于鄂渚同舟樊夫人國色航賂其婢裊烟達詩云同舟胡越猶懷想况遇天仙隔錦屏倘若玉京相會去願隨鸞鶴堯山堂外紀卷三十一

十三

入青真樊答云一飲瓊漿百感生玄霜搗盡見雲英藍橋便是神仙宅何必區區上玉京後經藍橋驛渴甚見茅舍有老嫗緝麻航揖之求漿嫗呼曰雲英擊一甌漿來飲之乃玉液也嫗曰欲娶此女但得玉杵臼航月餘得之以奉嫗夜窺之見有玉兔持杵雪光耀室嫗謂航曰吾入洞爲郎具帷帳可乎俄見一大第仙童侍女引航相見講婚後同入玉峯洞中餌絳雪瓊英之

丹超為上僊

外紀卷三十一畢
堯山堂外紀卷三十一

十四



